



PEJABAT DATO' MENTERI BESAR SELANGOR

Kenyataan Media

4 Mei 2020

Inisiatif SELangkah: Langkah Masuk Dengan Selamat

Dengan PKPBD yang bermula hari ini, Kerajaan Negeri bersedia dengan pergerakan masyarakat yang lebih tinggi, seiring dengan pengoperasian semula beberapa sektor ekonomi.

Bagi memperkuuh kesiapsiagaan entiti perniagaan dan melengkapinya dengan ikhtiar Penjejakan Kontak (Contact Tracing) oleh Jabatan Kesihatan Negeri Selangor (JKNS), Kerajaan Negeri memperkenalkan inisiatif **SELangkah: sistem pendaftaran keluar-masuk** di premis-premis kerajaan, perniagaan dan individu.

Konsep inisiatif **SELangkah – Langkah Masuk Dengan Selamat** – adalah untuk mengautomasi pendaftaran individu yang memasuki sesuatu premis, dengan mudah dan pantas. Inisiatif ini mempunyai 3 objektif serampang :

- “Melindungi premis perniagaan,***
- “Melindungi pelanggan***
- “Membantu pasukan baris hadapan”***

Para pemilik premis adalah diminta untuk mencetak sendiri dan memamer Kod QR bagi premis masing-masing melalui portal selangkah.mbiselangor.com.my atau selangkah.my yang boleh dicapai bermula **5 Mei 2020 (Selasa)**. Kebanyakan premis perniagaan telahpun didaftarkan, manakala sekiranya belum – para pemilik premis boleh melakukan “self-registration” di portal tersebut.



PEJABAT DATO' MENTERI BESAR SELANGOR

Para **pengunjung premis pula diminta untuk mengimbas poster kod QR tersebut, menggunakan fungsi kamera** di telefon bimbit, sama ada sebelum memasuki premis ataupun semasa membuat bayaran, bergantung kepada olah atur pemilik premis masing-masing.

Log lawatan pengunjung premis ini akan dikawal selia oleh pentadbiran Kerajaan Negeri, dan **diaktifkan oleh pegawai kesihatan awam sekiranya terdapat insiden Covid-19** dilaporkan di premis tersebut (seperti di pasaraya, kedai runcit, pasar borong, dan lain-lain). Melalui inisiatif ini, **semua pengunjung ke premis terlibat dapat dikesan dan dihubungi dengan mudah dan pantas.**

Amalan pendaftaran pengunjung sudah merupakan suatu kelaziman yang kita amalkan sehari-sehari apabila melawati rakan taulan kita di sesuatu kondominium, ataupun apabila menghadiri mesyuarat atau kursus.

Inisiatif SELangkah mengolah suai amalan lazim ini, sebagai kaedah bagi kawalan wabak Covid-19. Dengan SELangkah, kaedah penggunaan buku pendaftaran manual ini diubah kepada automatik, sekaligus meningkatkan kepentasan, dan kecekapan pendaftaran pengunjung di premis-premis awam dan perniagaan.

Adalah diharapkan inisiatif **SELangkah ini dapat membentuk norma baharu bagi kegiatan ekonomi semasa fasa PKPBD**, seperti yang diamalkan di **negara-negara yang mempunyai amalan penjagaan terbaik seperti di Korea Selatan**. Kawalan wabak Covid19 cuma akan berkesan apabila kesemua pihak memainkan peranan, daripada orang ramai dan juga komuniti perniagaan. **Sesungguhnya kesihatan adalah urusan semua (health is everyone business).**

YAB Dato' Seri Amirudin Shari

Dato' Menteri Besar Selangor

SELangkah

“Langkah Masuk Dengan Selamat”



MBI
Bisnes Amal
MENTERI BESAR SELANGOR (PEMERBADAN)

“Sebagai usaha membendung wabak COVID-19, anda diminta mengimbas Kod QR di bawah sebelum memasuki premis ini”

Bangunan Darul Ehsan SUK 2, Seksyen 14



**#PKPBersyarat
#NormaBaharu
#NewNormal**

Langkah 1



Gunakan kamera anda untuk mengimbas Kod QR di atas




Muat Turun aplikasi 'Google Lens' dari Play Store. Gunakan Google Lens untuk mengimbas kod QR di atas.

Langkah 2



Daftarkan nombor telefon bimbit anda .

Langkah 3



Pamerkan nombor pin atau Kod QR apabila diminta semasa pembayaran.

“Bagi peniaga, Cetak QR anda di www.selangkah.my”